

COVID-19 VACCINE INFORMATION



www.TranslateCovid.org

#translatecovid #UCLAAASC #UCLAFSPH

Armenian (Թարմացվել է 7/19/2021)

ՔՈՎԻԴ-19-Ի ԴԵՄ ՊԱՏՎԱՍՏԱՆՅՈՒԹ ՀԱՃԱԽԱԿԻ ՏՐՎՈՂ ՀԱՐՑԵՐ (ՀՏՀ)

1. Ո՞րն է դելտա տարբերակը: Ո՞վ է առավելագույնը ռիսկի ենթարկվում դելտա տարբերակից: (Նոր հարց)

Վիրուսները բազմանում են՝ պատճենելով իրենց: Յուրաքանչյուր օրինակ տարբերվում է բնօրինակ վիրուսից և կոչվում է մուտացիա: «Դելտա տարբերակը» վիրուսի մուտացիա է, որն առաջացնում է COVID-19: Այս տարբերակը ավելի վարակիչ է, քան վիրուսի այլ տարբերակները: Այն կարող է նաև ավելի ծանր հիվանդություն առաջացնել: Մարդիկ, ովքեր չեն պատվաստվել, շատ ավելի մեծ ռիսկի են ենթարկվում վարակվել COVID-19-ով:

2. Ներկայիս պատվաստանյութերը կգործեն՞ վիրուսի նոր շտամների դեպքում:

Հնարավոր է: Շատ փորձագետներ կարծում են, որ ՔՈՎԻԴ-19-ի դեմ պատվաստանյութերը պաշտպանելու են որոշ նոր շտամներից: Բայց հնարավոր է նաև, որ պատվաստանյութերն ավելի քիչ արդյունավետ լինեն այլ շտամների դեպքում: Որոշ պատվաստանյութեր գործում են երկար ժամանակ, ինչպես կարմրուկի պատվաստանյութը: Կան պատվաստանյութեր, որոնք ավելի կարճ ժամանակ են պաշտպանում և պետք է նորից ներարկվեն, ինչպես օրինակ, գրիպի դեմ պատվաստանյութը: Դեռ շատ շուտ է իմանալ այդ մասին ՔՈՎԻԴ-19-ի դեմ պատվաստանյութի դեպքում:

Այնուամենայնիվ, այս պատվաստումն ստանալը շատ կարևոր է: Համավարակը դեռ տարածվում է: Որքան շատ մարդիկ պատվաստվեն, այնքան ավելի արագ մենք կարող ենք վերահսկել համավարակը:



3. Ինչո՞ւ է կարևոր ստանալ ՔՈՎԻԴ-19-ի դեմ պատվաստումը:

Պատվաստանյութը կօգնի ձեզ խուսափել ՔՈՎԻԴ-19-ով վարակվելուց: Այն նաև կօգնի մեզ ավելի արագ հաղթահարել համավարակը:

ՔՈՎԻԴ-19-ը շատ լուրջ և շատ վարակիչ հիվանդություն է: Դրա հետևանքով մահացել է շուրջ 350 000 ամերիկացի 2020 թ. -ին: Համեմատության համար նշենք, որ սեզոնային գրիպի հետևանքով 2019 թվականին մահացել է 34 000 ամերիկացի: Պատվաստում ստանալու դեպքում դուք կօգնեք ձեզ և այլոց խուսափել ՔՈՎԻԴ-19-ով վարակվելուց:

4. Ինչպե՞ս է գործում ՔՈՎԻԴ-19-ի դեմ պատվաստանյութը:

Պատվաստանյութի օգնությամբ մարմինը ճանաչում է ՔՈՎԻԴ-19-ն առաջացնող հիվանդությունը: Հենց որ ձեր մարմինը տեղեկանում է, թե ինչպիսին է վիրուսը, մարմնի պաշտպանիչ համակարգը կարողանում է պայքարել վիրուսի դեմ:



UCLA

Asian American
Studies Center

UCLA

Fielding
School of Public Health

UCLA

Institute of
American Cultures

5. Պատմե՛ք ինձ ավելին: Ինչպե՞ս են պատվաստանյութերը պաշտպանում ձեզ վիրուսներից:

Ձեր մարմինը բնական եղանակով ստեղծում է հակամարմիններ, որոնք պայքարում են ձեր մարմին ներթափանցող վնասաբեր վիրուսների դեմ: Այնուամենայնիվ, հակամարմինները պետք է իմանան, թե որ վիրուսների դեմ պայքարեն: Նոր վիրուսը կարող է ներթափանցել ձեր մարմին՝ առանց հակամարմինների կողմից ճանաչվելու: Եթե նման բան տեղի ունենա, վիրուսը կարող է գրոհել, նախքան ձեր մարմինը կարողանա հակազդել: Պատվաստանյութը սովորեցնում է ձեր մարմնին արագ ճանաչել վնասաբեր վիրուսը և ստեղծել հակամարմիններ՝ դրա դեմ պայքարելու համար: Պատվաստանյութերից ոչ մեկը կենդանի վիրուս չի պարունակում, ուստի ստիպված չեք լինի անհանգստանալ ՔՈՎԻԴ-19-ով վարակվելու մասին:



6. Արդյո՞ք պետք է պատվաստվեմ ՔՈՎԻԴ-19-ի դեմ:

Մենք խրախուսում ենք բոլոր իրավունք ունեցող անձանց պատվաստում ստանալ: 12 տարեկան կամ ավելի մեծ տարիքի անձը կարող է պատվաստանյութ ստանալ ԱՄՆ-ում: Պարբերաբար դիմե՛ք ձեր տեղական կառավարման առողջապահական գործակալությանը կամ Հիվանդությունների վերահսկման և կանխարգելման կենտրոններին (CDC)՝ վերջին նորություններն իմանալու համար: Այնուամենայնիվ, դուք պետք է ճշտեք ձեր բժշկի հետ, եթե հղի եք: Եվ դուք չպետք է պատվաստվեք, եթե երբևէ ծանր ալերգիկ ռեակցիա եք ունեցել պատվաստանյութի ցանկացած բաղադրիչի նկատմամբ: Խոսե՛ք ձեր բժշկի հետ, եթե ալերգիկ ռեակցիաներ ունեք կամ ձեզ մոտ հարցեր են առաջացել:

7. Արդյո՞ք ՔՈՎԻԴ-19-ի դեմ պատվաստանյութն անվտանգ է:

Այո՛: ԱՄՆ-ի Սննդի և դեղորայքի վերահսկողության վարչությունը (FDA) հաստատում է պատվաստանյութերը, միայն երբ դրանք ճանաչվում են որպես անվտանգ և արդյունավետ: Որպեսզի պատվաստանյութը հաստատվի, գիտնականները փորձարկում են յուրաքանչյուր նոր պատվաստանյութ բազմաթիվ մարդկանց վրա՝ համոզվելու, որ այն անվտանգ է և արդյունավետ: Pfizer ընկերության պատվաստանյութը փորձարկվել է ավելի քան 40 000 ամերիկացու վրա, Moderna ընկերության պատվաստանյութը՝ 30 000-ի վրա, իսկ Johnson & Johnson's Janssen ընկերության պատվաստանյութը՝ 39 000-ի վրա: Այս փորձարկումները ցույց են տվել, որ պատվաստանյութերն անվտանգ են և արդյունավետ: Այդ պատճառով FDA-ը հաստատել է Pfizer-ի, Moderna-ի և Johnson & Johnson-ի կողմից ստեղծված պատվաստանյութերը՝ սկսած արտակարգ իրավիճակներում օգտագործումից: Հաստատում ստանալու նպատակով ստուգման փուլում են գտնվում այլ պատվաստանյութեր, որոնք հետագայում կարող են հասանելի դառնալ:

8. Այդքան արագ հաստատվելու դեպքում ինչպե՞ս կարող է պատվաստանյութն անվտանգ լինել:

Յուրաքանչյուր նոր պատվաստանյութ անցնում է անվտանգության և արդյունավետության ստուգում: Դա նաև վերաբերում է Operation Warp Speed ծրագրին, որն արագացրեց պատվաստանյութի փորձարկումը: Այնուամենայնիվ, թեև փորձարկումն ավելի արագ էր, պատվաստանյութն անցել է բոլոր ստանդարտ փուլերը՝ համոզվելու, որ այն անվտանգ է: Պատվաստանյութերի փորձարկումն իրականացվում է երեք հիմնական փուլերով (կլինիկական փորձարկումների I-ին փուլ, II-րդ փուլ, III-րդ փուլ): I-ին փուլում բժիշկները պատվաստանյութը ներարկում են կամավորներին: Այս հետազոտության նպատակն է ստանալ տեղեկություններ, թե որքան պատվաստանյութ է անհրաժեշտ ներարկել, և այն նախնական գաղափար է տալիս պատվաստանյութի անվտանգության վերաբերյալ: I-ին փուլում միայն քիչ քանակությամբ մարդիկ են ստանում պատվաստանյութ, քանի որ այն շատ նոր է: Եթե պատվաստանյութն անվտանգ է լինում, այն այնուհետև փորձարկվում է II-րդ փուլում:



II-րդ փուլում պատվաստանյութը փորձարկում են՝ պարզելու, թե որքանով է այն գործում, և թե ինչ կողմնակի ազդեցություններ կարող են ի հայտ գալ: Եթե պարզվում է, որ պատվաստանյութն անվտանգ և արդյունավետ է, ապա այն անցնում է III-րդ փուլ:

III-րդ փուլում պատվաստանյութը տրվում է ավելի քան 30 000 մարդու՝ բնակչության տարբեր խմբերի շրջանում պատվաստանյութի արդյունավետության և անվտանգության վերաբերյալ ավելի մանրամասն տեղեկություններ ստանալու համար:



Սովորաբար, այս երեք փուլերը տևում են երկար տարիներ: Դա պայմանավորված է նրանով, որ ժամանակ է պահանջվում պատվաստանյութերի փորձարկման ֆինանսավորումն ապահովելու, փաստաթղթեր կազմելու և կամավորներ հավաքագրելու համար: Ֆինանսավորում տրամադրելու և փաստաթղթերն ավելի արագ ձևակերպելու շնորհիվ Operation Warp Speed ծրագիրը նպաստեց, որ հետազոտությունն ավելի արագ ընթանա: Այսպիսով, ՔՈՎԻԴ-19-ի դեմ պատվաստանյութերը փորձարկվել են երեք փուլում, և ապացուցվել է, որ դրանք անվտանգ և արդյունավետ են:

9. Ե՞րբ կարող եմ պատվաստվել: Ինչպե՞ս կարող եմ ստանալ պատվաստումը:

Յուրաքանչյուր նահանգ, վարչաշրջան և քաղաք ունի պատվաստանյութը տրամադրելու իր ընթացակարգը: Դուք կարող եք դիմել ձեր բժշկին, գործատուին կամ առողջապահության տեղական բաժանմունք: ԱՄՆ-ի Հիվանդությունների վերահսկման և կանխարգելման կենտրոններն ունեն կայքէջ, որը կօգնի ձեզ գտնել առողջապահության ձեր տեղական բաժանմունքը:

<https://www.cdc.gov/coronavirus/2019-ncov/vaccines/index.html>

10. Պատվաստանյութի մասին շատ ասեկոսներ ու առասպելներ կան: Որտե՞ղ կարող եմ ստանալ ճշմարիտ և ճշգրիտ տեղեկություններ:

Ճշգրիտ տեղեկությունների լավագույն աղբյուրը ձեր բժիշկն է կամ ԱՄՆ-ի Առողջապահության պետական մարմնի կայքէջը, օրինակ՝ Հիվանդությունների վերահսկման և կանխարգելման կենտրոնները (CDC) ինչպես նաև նահանգի կամ վարչաշրջանի տեղական առողջապահական վարչությունը:

11. Արդյո՞ք կվարակվեմ ՔՈՎԻԴ-19-ով պատվաստանյութ ստանալուց:

Ո՛չ: FDA-ի կողմից հաստատված պատվաստանյութերից դուք չեք վարակվի ՔՈՎԻԴ-19-ն առաջացնող կորոնավիրուսով (որը հայտնի է նաև որպես SARS-CoV2), քանի որ դրանք չեն պարունակում կենդանի վիրուս, որն առաջացնում է ՔՈՎԻԴ-19:

12. Պատվաստանյութը միկրոչիպ կտեղադրի՞ իմ մարմնում: Արդյո՞ք պատվաստանյութը կհանգեցնի հղիության ընդհատմանը կամ կդարձնի ինձ անպտուղ: Արդյո՞ք դա կփոխի իմ ԴՆԹ-ն:

Ո՛չ: Այս գաղափարներն իրական չեն:



13. Որո՞նք են ՔՈՎԻԴ-19-ի դեմ պատվաստանյութի հաճախ հանդիպող կողմնակի ազդեցությունները:

Թույլատրված պատվաստանյութերը որոշ մարդկանց մոտ կարող են կողմնակի ազդեցություններ առաջացնել: Դա նորմալ է: Հաճախ հանդիպող կողմնակի ազդեցություններ են՝

- Ցավ ներարկման տեղում, ինչպես նաև այլ մկաններում և հոդերում
- Հոգնածություն
- Թեթև տենդ
- Գլխացավ
- Սարսուռ
- Սրտխառնոց
- Մկանային ցավ

Կողմնակի ազդեցությունները թեթև են, սակայն հաճախ ավելի նկատելի են երկրորդ ներարկումից հետո: Կողմնակի ազդեցությունների մեծ մասն անհետանում է 1-2 օրից: Դիմե՛ք ձեր բժշկին, եթե ձեր ախտանիշները վատթարանան կամ չվերանան մի քանի օր անց:

Պատվաստանյութը կարող է առաջացնել ձեզ մոտ ավերգիկ ռեակցիաներ: Եթե նախկինում ավերգիկ ռեակցիաներ եք ունեցել, նախքան պատվաստումը խորհրդակցե՛ք ձեր բժշկի հետ:

14. Արդյո՞ք պետք է պատվաստվեմ, նույնիսկ եթե արդեն ունեցել եմ ՔՈՎԻԴ-19:

Այո՛: Բժիշկները խորհուրդ են տալիս պատվաստվել, նույնիսկ եթե դուք արդեն վարակված եք եղել ՔՈՎԻԴ-19-ով: Որոշ մարդիկ, որոնք հիվանդացել են ՔՈՎԻԴ-19-ով, հայտնում են, որ հետագայում կրկին վարակվել են այդ հիվանդությամբ:

15. Արդյո՞ք պետք է պատվաստվեմ ՔՈՎԻԴ-19-ի դեմ, եթե հղի կամ կրծքով կերակրող եմ:



Հնարավոր է: Այժմ պատվաստանյութը կարծես թե անվտանգ է հղի կանանց համար, բայց մենք հաստատ չգիտենք: Դեռ բավականաչափ հետազոտություններ չեն անցկացվել, սակայն ապագայում հնարավոր է՝ մենք կիմանանք այդ մասին:

Խորհրդակցե՛ք ձեր բժշկի հետ: Թե՛ ԱՄՆ-ի Հիվանդությունների վերահսկման և կանխարգելման կենտրոնը, թե՛ Մանկաբարձ-գինեկոլոգների ամերիկյան քոլեջը պնդում են, որ դա անձնական ընտրություն է: Լրացուցիչ տեղեկությունների համար կարող եք այցելել նրանց կայքէջեր:

<https://www.cdc.gov/coronavirus/2019-ncov/vaccines/recommendations/pregnancy.html>

<https://www.acog.org/covid-19/covid-19-vaccines-and-pregnancy-conversation-guide-for-clinicians>

<https://www.acog.org/covid-19/covid-19-vaccines-and-pregnancy-conversation-guide-for-clinicians>

16. Որքանո՞վ է արդյունավետ պատվաստանյութը:


Moderna և Pfizer ընկերությունների կողմից մշակված պատվաստանյութերը մոտ 95%-ով արդյունավետ են մարդկանց ՔՈՎԻԴ-19-ից պաշտպանելու հարցում: Դա նշանակում է, որ ՔՈՎԻԴ-19-ի դեմ պատվաստվելու դեպքում վարակման հավանականությունը մոտ 95%-ով ավելի ցածր է, քան եթե երբեք չպատվաստվեք: Johnson & Johnson ընկերության պատվաստանյութը 66%-ով արդյունավետ է, ինչը դեռևս շատ լավ է: Համեմատության համար նշենք, որ հարբուխի (գրիպի) դեմ պատվաստանյութերը սովորաբար 40-60%-ով են արդյունավետ:



Կա փոքր հավանականություն, որ կարող եք վարակվել ՔՈՎԻԴ-19-ով, նույնիսկ եթե պատվաստվել եք: Բայց դուք պետք է պատվաստվեք, քանի որ դա մեծապես նվազեցնում է հիվանդանոց տեղափոխվելու կամ ՔՈՎԻԴ-19-ից մահանալու հավանականությունը: Դուք նախկինի պես պետք է դիմակ կրեք, հաճախ լվանաք ձեր ձեռքերը և պահպանեք սոցիալական հեռավորություն, ինչպես առաջարկվում է Հիվանդությունների վերահսկման և կանխարգելման կենտրոնների (CDC) կողմից տրված վերջին ուղեցույցներում:

17. Արդյո՞ք կարող եմ իմ երեխաները (մինչև 12 տարեկան) պատվաստվել:

Գիտնականներն այժմ ուսումնասիրում են փոքր երեխաների համար պատվաստանյութերի անվտանգությունն ու արդյունավետությունը: Պարբերաբար դիմե՛ք ձեր տեղական կառավարման առողջապահական գործակալությանը կամ Հիվանդությունների վերահսկման և կանխարգելման կենտրոններին (CDC)՝ վերջին նորությունների մասին տեղյակ լինելու համար:



18. . Ի՞նչ պատվաստանյութեր են մատչելի Միացյալ Նահանգներում:

Այս պահին ԱՄՆ-ում մատչելի է ՔՈՎԻԴ-19-ի դեմ երեք պատվաստանյութ: Դրանք պատրաստվում են Pfizer BioNTech, Moderna և Johnson & Johnson/Janssen ընկերությունների կողմից:

19. Ի՞նչն է անվտանգ անել, երբ արդեն պատվաստվել եմ:

Ձեր վերջնական պատվաստումից 2 շաբաթ անց, դուք կհամարվեք «ամբողջովին պատվաստված»: Moderna և Pfizer պատվաստանյութերի դեպքում դուք լրիվ պատվաստվում եք երկրորդ ներարկումն ստանալուց հետո 2 շաբաթ անց: Johnson and Johnson պատվաստանյութի դեպքում դուք լրիվին պատվաստված եք ձեր առաջին (և միակ) ներարկումն ստանալուց հետո 2 շաբաթ անց: Եթե ամբողջովին պատվաստված եք, կարող եք կատարել հետևյալը.

- Լինել շենքի ներսում մի քանի այլ պատվաստված մարդկանց հետ: Դուք կարող եք ավելի մոտ լինել, քան 6 ոտնաչափը: Ձեզ անհրաժեշտ չէ դիմակ կրել:
- Լինել շենքի ներսում մեկ այլ ընտանիքի չպատվաստված մարդկանց հետ: Կարող եք ավելի մոտ լինել, քան 6 ոտնաչափը և չկրել դիմակ: Բացառություն են կազմում այն դեպքերը, եթե այդ մարդիկ ունեն առողջական խնդիրներ, որոնց պատճառով նրանք հավանական է, որ շատ լուրջ ախտանիշներ կունենան ՔՈՎԻԴ-19-ից: Այդ դեպքում դուք պետք է դիմակ կրեք և պահպանեք սոցիալական հեռավորություն՝ նրանց անվտանգ պահելու համար, նույնիսկ եթե արդեն պատվաստված եք:
- Լինել դրսում առանց դիմակի, եթե շատ մարդաշատ չէ: Եթե մարդաշատ է, խնդրում ենք դիմակ կրել և փորձել մյուսներից 6 ոտնաչափ հեռավորության վրա մնալ:

Նույնիսկ եթե պատվաստվել եք, պետք է խուսափեք մարդկանց մեծ խմբերից, հատկապես շենքի ներսում:

Լրացուցիչ տեղեկությունների համար այցելե՛ք՝
<https://www.cdc.gov/coronavirus/2019-ncov/vaccines/ful-vaccined.html>



20. Որո՞նք են ՔՈՎԻԴ-19-ի վիրուսի երկարատև ազդեցությունները:

ՔՈՎԻԴ-19-ը կարող է խնդիրներ առաջացնել նույնիսկ դրանից բուժվելուց հետո: Այդ երկարատև խնդիրները ներառում են.

- Հոգնածություն
- Հևոց կամ դժվար շնչառություն
- Հազ
- Հոդացավ
- Կրծքավանդակի ցավ
- Հիշողության, կենտրոնացման կամ քնի հետ կապված խնդիրներ
- Մկանային ցավ կամ գլխացավ
- Արագ կամ բաբախող սրտխփոց
- Հոտի կամ համի կորուստ
- Դեպրեսիա կամ անհանգստություն
- Զերմություն
- Գլխապտույտ կանգնած վիճակում

Չնայած երկարատև ախտանշանները տարածված չեն, դրանք կարող են ազդել նույնիսկ առողջ մարդկանց վրա և կարող են ազդել այն անձանց վրա, ովքեր ՔՈՎԻԴ-19-ից ունեն մեղմ ախտանիշներ կամ չունեն ախտանիշներ: Այս ռիսկից խուսափելու համար կարևոր է պատվաստվել:

21. Ո՞վքեր են մասնակցել կլինիկական հետազոտություններում:

ՔՈՎԻԴ-19-ի կլինիկական հետազոտություններում մասնակցում էին բոլոր ռասայական և էթնիկական ծագում ունեցող մարդիկ: Եվ պարզվել է, որ պատվաստանյութերն անվտանգ և արդյունավետ են բոլորի համար:

22. Որտե՞ղ կարող եմ պատվաստանյութի վերաբերյալ այլ հարցերի պատասխաններ ստանալ:

Կարող եք այցելել CDC-ի կայքէջ այս հղումով՝
<https://www.cdc.gov/coronavirus/2019-ncov/vaccines/8-things.html>
<https://www.cdc.gov/coronavirus/2019-ncov/vaccines/facts.html>



For more information, please visit: www.TranslateCovid.org